

Sommaruga engrazia a la populaziun

Allocuziun da la presidenta da la Confederaziun Simonetta Sommaruga

■ (fmr/mc) **A l'ocasiun da la Festa naziunala ha la presidenta da la Confederaziun Simonetta Sommaruga engrazià a la populaziun per ses cumportament durant la pandemia da corona. La festa uffiziala sin il Rütli è stada limitada a 200 persunas.** En represchentanza da la populaziun ha la presidenta da la Confederaziun envidà stersas mintgamaì duas persunas or da scadin chantun. Il pli gugent avessia ella dentant envidà l'entira populaziun sin il Rütli, da ditg *Simonetta Sommaruga* la sonda, «cunzunt en quest temp spezial». Deplorablain na saja quai dentant betg stà pussaivel pervi da las reglas da distanza. Simbolicain saja dentant l'entira Svizra stada reunida sin la prada istorica sur il Lai dals Quatter chantuns.

54 persunas han represchentà ils chantuns

En represchentanza dal pievel svizzer ha Sommaruga envidà 27 umens e 27 dunas da tut ils chantuns svizzers e dus represchentants dals burgais svizzers en l'exteriur. Scadina da las persunas envidadas haja gidà a supperar la crisa, saja quai en ospitals, en la vendita, en las scolas u en il vitg ed en la citad. La solidaritad demussada en quest temp difficil haja documentà che la coesiun da la Svizra vegnia betg mo perdeggiada, ma bain er vivida.

«La Svizra è dapli che otg milliuns e mez abitantas ed abitants», ha ditg la presidenta da la Confederaziun. Malgrà corona na saja la Svizra mai stada airi. Trens, bus e trams sajan cursads, la posta arrivada, il current electric haja func-



La presidenta da la Confederaziun Simonetta Sommaruga sin viadi vers il Rütli.

MAD

ziunà, la dismessa da rument saja succedida a moda ordinada e las scolas sajan vegnidas adattadas a las novas circumstanzas.

La crisa da corona na saja dentant anc betg supperada, ha ditg Sommaruga. Il dumber d'infectads creschia vinavant. I dovria er ussa vinavant in e scadin da nus.

La magistrata ha er ludà las prestaziuns da la Confederaziun e dals chantuns. En in stadi che dettia sustegn posian er ils umans esser curaschus e solidarics. La crisa haja dentant era demustà che la Svizra dovria tant ils stadis vi-

schins ed ils vischins dal quartier e dal vitg.

La Svizra sa tegna ensemen

En sia allocuaziun uffiziala da l'emprim d'avust al radio ed a la televisiun ha la presidenta da la Confederaziun Sommaruga ludà las Svizras ed ils Svizzers per lur solidaritad e per lur sustegn. Il fatg che la Svizra haja dà dumogn a la crisa da corona documenteschia che la coesiun naziunala constettia. «En il seracas essan nus dapli che 26 chantuns ed otg milliuns e mez abitantas ed abitants», ha resumà Sommaruga la solida-

ritad e la prontadad d'agir en vista a la crisa da corona.

Fitg impressiunda saja ella stada d'ina carta ch'ella haja retschavì d'in pur da muntogna. En la busta haja el aschuntà ina part da sia renta. La crisa ha tangà tuts, solidaritad saja vinavant necessaria, ha el scrit. Ils daners sajan en il fratemp vegnids mess a disposiziun per quels ch'han da basegn, uschia Sommaruga.

Gist uschia sco quest pur muntagnard hajan bleras persunas agì en noss pajais. Ellas hajan gidà in l'auter. Per tanta solidaritad veglia ella engraziar il di da la Festa naziunala. A tut quels ch'han procurà che la Svizra n'è betg stada airi, malgrà corona.

Avair vischins fidads

Er en questa situaziun difficila saja sa mussà: «La Svizra sa dosta e sa tegna ensemen. La Confederaziun saja sa gidada cun ils manaschis, en difficultatds pervi da corona. Dentant er las vischnancas ed ils chantuns sajan s'engaschads a moda exemplarica. Il contact tranter vischins e burgais, dentant era tranter la Svizra ed ils stadis vischins na saja mai stà interrutt. «Nus basegnain er en l'avegnir», ha ditg Sommaruga.

En vista als cas d'infezioni creschents ha la presidenta da la Confederaziun Sommaruga avertì d'esser vinavant precauts. Mo da cuminanza possian ins impedir in'ulteriura derasaziun dal virus. Quai hajan ils ultims mais documentà, e quai dettia curaschi.